

顏氏家訓

注顏氏家訓序

士少而學問長而議論老而教訓斯人也其不虛生於天地間也乎余友江陰趙敬夫先生方嚴有氣骨與余遊處十餘年八十外就鍾山講舍取宋本顏氏家訓而爲之注余奪於他事不暇相助也又甚惜其勞謂姑置其易明者可乎先生曰此將以教後生小子也人卽甚英敏不能於就傅成童之年聖經賢傳舉能成誦況於歷代之事蹟乎吾欲世之教子弟者旣令其通曉大義又引之使略涉載籍之津涯明古今之治亂識流品之邪正他日依類以求其於用力也亦差省書成未幾而先生捐館矣余感疇昔周旋之雅又重先生惓惓啟迪後人之意至深

且摯烏可以無傳就其孫同華索是書一再閱之翻然變余前  
日尙簡之見而更爲之加詳以從先生之志則是書也匪直顏  
氏之訓亦卽趙先生之訓也先生之學問先生之議論不卽於  
是書有可想見者乎嗚呼無用之言不急之辯君子所弗貴若  
夫六經尙矣而委曲近情纖悉周備立身之要處世之宜爲學  
之方蓋莫善於是書人有意於訓俗型家者又何庸舍是而夢  
牀架屋爲哉

乾隆五十四年歲在己酉重陽前五日杭東里人盧文弨書於  
常州龍城書院之取斯堂

顏氏家訓序

北齊黃門侍郎顏之推學優才瞻山高海深常雌黃朝廷品藻  
人物爲書七卷式範千葉號曰顏氏家訓雖非子史同波抑是  
王言蓋代其中破疑遣惑在廣雅之右鏡賢燭愚出世說之左  
唯較量佛事一篇窮理盡性也余曾於客舍論公製作宏奧眾  
或難余曰小小者耳何是爲懷余輒請主人紙筆便錄擊鳥煥反  
搏宣龔歲藥獨鑠慙於計戾刻屢移秭正來反  
等九字以示之  
方始驚駭余曰凡字以詮義字猶未識義安能見旋云小小頗  
亦忽忽眾乃謝余令爲解識余遂作音義以曉之豈慙法言之  
論定卽定矣實愧孫炎之侶行卽行焉云爾

此序宋本所有不著撰人比擬多失倫行文亦無法今依宋本校正卽不便棄之有疑王言蓋代未詳所出者案家語有王言解或用此也杭東里人盧文昭書其後

例言

一黃門始仕蕭梁終於隋代而此書向來唯題北齊唐人修史以之推入北齊書文苑傳中其子思魯旣纂父之集則此書自必亦經整理所題當本其父之志可知今亦仍之

一黃門九世祖從晉元南度江寧顏家巷其舊居也則當爲江寧人而此書向題琅邪唐人修史例皆不以土斷而遠取本望劉知幾爲史官曾非之不能革也故北齊書亦曰琅邪臨沂人今亦姑仍其舊

一此書爲江陰趙敬夫注始余覺其過詳敬夫以啟迪童子不得不如是余甚韙其言故今又從而補之凡以成敬夫真切爲

人之志非敢以求勝也

一黃門篤信說文後乃從容消息始不過於駭俗然字體究屬審正歷經轉寫譌謬滋多今於甚俗且別者正之其非說文所有而爲世所常行者一仍其舊亦黃門志也

一此書音辭篇辨析文字之聲音致爲精細今人束髮受書師授不能皆正又南北語音各異童而習之長大不能變改故知正音者絕少近世唯顧寧人江慎修戴東原能通其學今金壇段若膺其繼起者也此篇實賴其訂正云

一此書段落舊本分合不清今於當別爲條者皆提行庶幾眉目瞭然

一宋本經沈氏訂正誤字甚少然俗間通行本亦頗有是者今擇其義長者從之而注其異同於下後人或別有所見不敢卽以余之棄取爲定衡也

一沈氏有考證一卷繫此書之後今散置文句之下取繙閱較便勿以缺漏爲疑

一黃門本傳中載所作觀我生賦家國際遇一生艱危困苦之況備見於是此卽其人事蹟不可略也句下有自注盡皆當日情事其辭所援引今爲之考其出處目爲加注使可識別但賦中尙有脫文別無他書補正意猶缺然

一涉獵之弊往往不求甚解自謂了然余於此書向亦猶夫人



之見耳今再三閱之猶有不能盡知其出處者自愧寡敏尙賴博雅之士有以教我焉

一敬夫先生以諸生終隱德不曜余爲作瞰江山人傳今并繫於後使人得因以想見其爲人

一此書經請正於賢士大夫始成定本友朋閒復互相訂證厥有勞焉授梓之際及門諸子又代任校讎之役而剞劂之費深賴眾賢之與人爲善故能不數月而訖功今於首簡各載姓名以見懿德之有同好云

抱經氏識時年七十有三

顏氏家訓注

鑒定

嘉定錢大昕莘楣

仁和孫志祖怡谷

滄州李廷敬寧圃

參訂

金壇段玉裁懋堂

孝感程明憐蕨園

新會譚大經敷五

仁和潘本智鏡涵

江陰周宗學象成

讎校

江陰楊敦厚仲偉

江陰陳宏度師儉

江陰王璋秉政

江陰湯裕帖瞻

趙門人

江陰沙照耀滄

趙門人

武進臧鏞堂在東

武進丁履恆基士

瞰江孫趙同華俊章校梓

新注顏氏家訓目錄

江陰 趙曦明 敬夫 注

餘姚 盧文昭 紹弓 補

序

宋本序

例言

鑒定參訂姓名

第一卷

序致篇第一

教子篇第二

兄弟篇第三

後娶篇第四

治家篇第五

第二卷

風操篇第六

慕賢篇第七

第三卷

勉學篇第八

第四卷

文章篇第九

名實篇第十

涉務篇第十一

第五卷

省事篇第十二

止足篇第十三

誠兵篇第十四

養生篇第十五

歸心篇第十六

第六卷

書證篇第十七

第七卷

音辭篇第十八

雜藝篇第十九

終制篇第二十

附錄

北齊書顏之推傳

宋本沈跋

宋本名銜

趙跋

瞰江山人家傳

終

顏氏家訓卷第一

北齊黃門侍郎顏之

序致 教子 兄弟 後娶 治家

序致第一

夫聖賢之書教人誠孝慎言檢迹

補檢居奄切檢迹猶言行立檢謂有持檢不放縱也

身揚名

補見孝經

亦已備矣魏晉已來所著諸子理重事複

補重直龍切複

方六切亦遞相模倣

補與效同

猶屋下架屋

補注世說文學篇庾仲初作揚都賦謝太傅云

此是屋下架屋耳劉孝標引王隱論揚雄太乎經曰平經雖妙非益也是以古人謂其屋下架屋耳

牀上施牀耳

隋書經籍志

儒家有徐氏中論六卷魏太子文學徐幹撰王氏

正論十卷王肅撰杜氏體論四卷魏幽州刺史杜恕撰顧子新

語十二卷吳太常顧譚撰譙子法訓八卷譙周撰袁子

正論十九卷袁準撰新論十卷晉散騎常侍夏侯湛撰吾今所

顏氏家訓

卷一

一

義家塾叢書



以復爲此者

元注一本無今字補復扶富切又也

非敢軌物範世也

補車有軌轍器有模範喻

可爲世人儀型也

業以整齊門內提撕子孫

補詩大雅抑匪面命之言提其耳箋我非但對面語

之親提撕其耳

夫同言而信信其所親同命而行行其所服禁童子之

暴謔則師友之誠不如傅婢之指揮

補傅婢見漢書王吉傳師古注傅婢者傅相其衣服

衽席之事指揮與指麾義同漢書韓信傳雖有舜禹之智嘿而不言不如瘖聵之指揮也

止凡人之鬪鬪

補

許歷切詩小雅常棣傳很也

則堯舜之道不如寡妻之誨諭

補詩大雅思齊刑于寡妻傳適

妻也箋寡有之妻案寡者少也故云適妻朱子則訓寡德之妻謙辭也

吾望此書爲汝曹之所信

猶賢於傅婢寡妻耳

吾家風教素爲整密昔在齠齔

補玉篇髻徒聊切小兒髮廣韵或作齠說文齠毀齒也男八月

生齒八歲而齠女七月生齒七歲而齠音初董切

便蒙誨誘每從兩兄

案南史顏協傳子之儀之推此

云兩兄或兼有羣從也補顏氏家廟碑有名之善補曉夕溫清補

者云之推弟補隋葉令據此則之善亦是之推兄補記曲禮上凡為人子之禮冬溫而夏清補注溫以禦其寒清以致其涼補釋文清七性反字從久木或水旁作非也補規行矩

步安辭定色補禮記曲禮上安定辭又冠義凡人之所以為人者禮義也補禮義之始在於正容體齊顏色順辭令

鏘鏘翼翼若朝嚴君焉補易家人有嚴君焉父母之謂也補廣雅釋訓鏘鏘走也翼翼敬也又和也案鏘

鏘猶踰踰踰禮記曲禮下士踰踰言補賜以優言問所好尙補好呼不得如大夫已上容儀之盛也補到切

勵短引長莫不懇篤年始九歲便丁荼蓼補言失所生也荼蓼喻苦辛上音徒下音

了家塗離散補塗俗間本作徒今從宋本補百口索然慈兄鞠養苦辛備至有仁

無威補注晉書嵇康傳幽憤詩日母兄鞠育有慈無威補導示不切雖讀禮傳微愛屬文

屬之欲切補傳直戀切補頗為凡人之所陶染補言為凡庸人之所熏陶漸染也補肆欲輕言

不脩邊幅補脩舊本皆作備訛案北齊書之推傳云好飲酒多任誕不脩邊幅正本此補後漢書馬援傳公孫述欲授

援以封侯大將軍位賓客皆樂留援曉之曰公孫不吐哺走迎國上反脩飾邊幅如備人形此子何足久稽天下士乎年

十八九少知砥礪習若自然補少與稍同天戴禮係傳篇卒難

洗盪補卒倉沒切盪三十已後舊作二十注大過稀焉每常心

共口敵性與情競補心共口敵謂口易放言而心制之使不出

謂人情喜怒哀懼愛惡欲七者弗學而能此言性善而情之所

發有未善者故必以性制情如與之競者然王弼注易乾文言

云不性其情何能久行其正與夜覺曉非今悔昨失自憐無教

以至於斯追思平昔之指銘肌鏤骨補鏤慮候切非徒古書之

誠經目過耳也各本無也字宋本注故畱此二十篇以為汝曹

後車元注一耳漢書賈誼傳前車覆後車戒重校正宋本耳爾

俱不從

教子第二

上智不教而成下愚雖教無益中庸之人不教不知也古者聖

王有胎教之法懷子三月出居別宮目不邪視耳不妄元注一本作傾

聽音聲滋味以禮節之書之玉版藏諸金匱大戴禮係傳篇青史氏之記曰古者

胎教王后腹之七月而就宴室太史持銅而御戶左太宰持斗而御戶右比及三月者王后所求聲音非禮樂則太師繼瑟而

稱不習所求滋味者非正味則太宰倚斗而言曰不敢以待王太子盧辯注王后以七月就宴室夫人婦嬪卽以三月就其側

室又云周后妃任成王於身立而不跛坐而不差獨處而不偃雖怒而不詈胎教之謂也又云素成胎教之道書之玉版藏之

金匱置之宗廟以爲後世戒補列女傳太任生子咳唼元注說有娠目不視惡色耳不聽淫聲口不出傲言文咳小

兒笑也是號也一本作孩提案說師保固明孝仁禮義導習之文本作號集韻是田黎切與號同

矣漢書賈誼傳昔者成王幼在襁褓之中召公爲太保周公爲太傅太公爲太師此三公之職也於是爲置三少皆上大夫

也曰少休少傅少師故遇孩提有識三公三少固明孝仁禮誼以導習之矣案俗閒本正文作仁智禮義宋本作仁孝禮義注

云一本作孝禮仁凡庶縱不能爾當及嬰稚識人顏色知人喜

怒便加教誨使爲則爲使止則止比及數歲可省笞罰補比必利切省

所景切笞丑之切捶擊也輕者曰笞笞所以明恥也父母威嚴而有慈則子女畏慎而生

孝矣吾見世閒無教而有愛每不能然飲食運爲補運爲卽云爲管子戒篇

注云恣其所慾宜誠元注一作訓翻獎補說文獎大厲之也從犬

也欲也譽應訶補說文大言而怒也反笑元注一本作嗤補說

也今作弊案孫愔唐韻引說文云喜也从竹从夭李陽冰謂竹得風其體

天屈如人之笑今案玉篇作笑亦作咲漢書有笑字李說近鑿

今不從又玉篇至有識知謂法當爾驕元注一本作嬌慢已習方復元

復扶富切制之捶撻至死而無威元注一本云忿怒日隆而

增怨

元注一本云增怨悞

逮于成長終為敗德

補長知丈切

孔子云少成若天

性習慣如自然是也

補少詩照切補注漢書賈誼傳引

俗諺曰教婦初來教兒

嬰孩誠哉斯語

凡人不能教子女者亦非欲陷其罪惡但重於訶怒傷其顏色

不忍楚撻慘其肌膚耳

補楚撻也痛撻也

當以疾病為諭安得不用湯藥

鍼艾救之哉

補鍼所以刺亦作箴俗作針艾所以灸

又宜思勤督訓者可願苛虐

於骨肉乎誠不得已也

王大司馬母魏夫人性甚嚴正王在湓城時為三千人將

補子亮切

年踰四十少不如意猶捶撻之故能成其勲業

梁書王僧辯傳僧辯字君才右

衛將軍神念之子也世祖以僧辯為征東將軍開府儀同三司

江州刺史封長寧縣公承聖三年加太尉車騎大將軍頃之丁

母太夫人憂策諡曰貞敬太夫人夫人姓魏氏性甚安和善于  
綏接家門內外莫不懷之及僧辯尅復舊京功蓋天下夫人恆  
自謙損不以富貴驕物朝野咸共稱之謂爲明哲婦人也尋陽  
記晉武太康十年因江水之名而置江州成帝咸和元年移理  
湓城卽梁元帝時梁書元帝紀世祖孝元皇帝諱繹字世誠小  
今郡是丙子卽皇帝字七符高祖第七子也承聖元年冬十一月  
位於江陵有一學士聰敏有才爲父所寵失於教義一言之

是徧於行路終年譽之一行之非拚藏文飾冀其自改補文亦  
飾也集

酌文年登婚宦暴慢日滋竟以言語不擇爲周逖抽腸斃鼓云

補周逖無攷唯陳書有周逖傳梁元帝授逖持節通直散騎常  
侍壯武將軍高州刺史封臨汝縣侯始與周敷相結後給敷害  
之其人強暴無信義宜有斯  
事但未知此學士何人耳

父子之嚴不可以狎骨肉之愛不可以簡簡則慈孝不接狎則  
怠慢生焉由命士以上父子異宮此不狎之道也禮記內則由  
命士以上父

子皆異宮昧爽而朝慈以旨甘日出抑搔癢痛懸衾篋枕此不而退各從其事日入而夕慈以旨甘

簡之教也

同上子事父母婦事舅姑及所下氣怡聲問衣煖寒疾痛苛癢而敬抑搔之出入則或先或後而敬扶持

之又曰父母舅姑將坐奉席請何鄉將起長者奉席請何趾或少者執牀與坐御者舉几斂席與簞懸衾篋枕斂簞而禡之

問曰陳亢喜聞君子之遠其子何謂也

補亢音剛對曰有是也遠于萬切

蓋君子之不親教其子也詩有諷刺之辭禮有嫌疑之誠書有

悖亂之事春秋有褒僻之譏易有備物之象皆非父子之可通

言故不親授耳

元注其意見白虎通案白虎通辟雍篇父所以不自教子何為其渫瀆也又授受之道當極說

陰陽夫婦變化之事不可以父子相教也

齊武成帝子琅邪王太子母弟也

北齊書武成紀世祖武成皇帝諱湛神武第九子也武成

十二王傳明皇后生後主及琅邪王儼

生而聰慧帝及后竝篤愛之衣服飲食與



東宮相準帝每面稱之曰此黠兒也當有所成

同上琅邪王儼傳儼字仁威武

成第三子也初封東平王武成崩改封琅邪

及太子卽位

同上

補方言一自關而東趙魏之間謂慧爲黠

紀後主緯字仁綱大寧二年立爲皇太子河清四年武成禪王

後主

位於帝夏四月景子皇帝卽位於晉陽宮大赦改元天統

居別宮

儼傳儼恆在宮中坐含光殿以視事和士

禮數優僭

補

疑當是借字言優假之也下文始言其僭

不與諸王等太后猶謂不足常以爲言年

十許歲驕恣無節器服玩好必擬乘輿

補乘食證切獨斷天子

託之于乘輿乘猶載也輿猶車也天子以天下爲家不以京師

宮室爲常處則當乘車輿以行天下故羣臣託乘輿以言之

嘗朝南殿見典御進新冰鉤盾獻早李

隋書百官志中尙食局

司農寺掌倉市薪菜園池果實統平準太倉鉤盾等署令丞

而鉤盾又別領大囿上林遊獵柴草池藪苜蓿等六部丞

索不得

補索山遂大怒詢曰

補詢呼寇切說文同語左氏襄十七年傳杜注詢罵也

至尊

已有我何意無不知分齊率皆如此

補分扶問切齊在詣切

識者多有叔

段州吁之譏

見左氏隱元三兩年傳

後嫌宰相遂矯詔斬之

儼傳儼以和士開駱提婆

等奢恣盛修第宅意甚不平謂侍中馮子琮曰士開罪重兒欲殺之子琮贊成其事儼乃令子宣表彈士開請付禁推子琮雜

以他文書奏之後主不審省而可之儼詎領軍庫狄伏連曰奉勅令領軍收士開伏連信之伏五十人於神獸門外詰旦執士

開送御史儼使馮永就臺斬之後主紀武平二年七月又懼有救月太尉琅邪王儼矯詔殺錄尚書事和士開於南臺

乃勒麾下軍士防守殿門

儼傳儼率京畿軍士三千餘人屯千秋門

既無反心受勞

而罷後竟坐此幽薨

同上帝率宿衛者授甲將出戰斛律光曰至尊宜自至于秋門琅邪必不敢動從之

光強引以前請帝曰琅邪王年少長大自不復然願寬其罪良久乃釋之何洪珍與士開素善陸令萱祖珽並請殺之九月下

旬帝啓太后欲與出獵是夜四更帝召儼至永巷劉桃枝反接其手出至大明宮拉殺之時年十四

人之愛子罕亦能均自古及今此弊多矣賢俊者自可賞愛頑

魯者亦當矜憐有偏寵者雖欲以厚之更所以禍之其叔之死

母實爲之

見左氏隱元年傳共音恭

趙王之戮父實使之

史記呂后紀高祖得戚姬生趙隱王

如意戚姬日夜啼泣欲其子代太子賴大臣及留侯計得毋廢

高祖崩呂后乃令永巷囚戚夫人而召趙王鳩之趙王死斷戚

夫人手足去眼燂耳飲劉表之傾宗覆族

後漢書劉表傳表字景升山陽高平人爲

鎮南將軍荊州牧二子琦琮表初以琦貌類己甚愛之後爲琮

娶後妻蔡氏之姪蔡氏遂愛琮而惡琦毀譽日聞表每信受妻

弟蔡瑁及外甥張允竝得幸於表又陸於琮琦不自寧求出爲

江夏太守表病琦歸省疾允等遏於戶外不使得見琦流涕而

去遂以琮爲嗣琮以侯印授琦琦怒投之地將因喪作難袁紹

會曹操軍至新野琦走江南琮後舉州降操補覆芳服切袁紹

之地裂兵亾

後漢書袁紹傳紹字本初汝南汝陽人領冀州牧有三子譚字顯思熙字顯雍尙字顯甫譚長而惠

尙少而美紹後妻劉氏有寵而偏愛尙紹乃以譚繼兄後出爲

青州刺史中子熙爲幽州刺史官度之敗紹發病死未及定嗣

逢紀審配夙以驕侈爲譚所病辛評郭圖皆比於譚而與配紀

有隙眾以譚長欲立之配等恐譚立而評等爲害遂矯紹遺命

奉尙爲嗣譚自稱車騎將軍軍黎陽曹操渡河攻譚尙救譚敗  
退還鄴操進軍尙逆擊破操譚欲及其未濟出兵掩之尙疑而  
不許譚怒引兵攻尙敗還南皮尙復攻譚譚大敗尙圍之急譚  
遣辛毗詣操求救操渡河尙乃釋平原還鄴操進攻鄴尙奔中  
山操之圍鄴也譚背之略取甘陵安平等處攻尙於中山尙走  
故安從熙明年操討譚譚墮馬見殺熙尙爲其將張綱所攻奔  
遼西烏桓操擊烏桓熙尙敗乃可爲靈龜明鑒也補龜可以占  
事鑒可以照  
形故以  
此爲比

齊朝有一士大夫嘗謂吾曰我有一兒年已十七頗曉書疏補

助切記也晉書陶侃傳教其鮮卑語隋書經籍志鮮卑及彈琵琶

遠近書疏莫不手答釋名風俗通聲音篇琵琶長三尺五寸象三才五行四絃象四時

也稍欲通解以此伏事公卿補伏與無不寵愛亦要事也吾時

俛而不答補俛與異哉此人之教子也若由元注此業自致

卿相亦不願汝曹爲之

兄弟第三

夫有人民而後有夫婦有夫婦而後有父子有父子而後有兄

弟一家之親此三而已矣

句首宋本有盡字小學所引無補王弼注老子道經六親父子兄弟夫婦

也

自茲以往至於九族皆本於三親焉

詩王風葛藟序周室道衰其九族焉

者據已上至高祖下及元孫之親正義此古尙書說鄭取用之

異義今禮戴尙書歐陽說云九族父族四母族三妻族二鄭有駁文繁故於人倫爲重者也不可不篤兄弟者分形連氣之人

也方其幼也父母左提右挈前襟後裾

補襟亦作衿釋名衿禁也禁使不得解散也裾

倨也倨倨然直也食則同案

補說文案几屬

衣則傳服學則連業游則

共方雖有悖亂之人

宋本作行

不能不相愛也及其壯也各娶其妻

各子其子雖有篤厚之人

宋本

不能不少衰也娣姒之比兄弟

爾雅長婦謂稚婦爲娣婦稚婦謂長婦爲姒婦

則疏薄矣今使疏薄之人而節量親厚

之恩猶方底而圓蓋必不合矣惟友悌深至不爲旁人之所移者免夫

二親既歿兄弟相顧當如形之與影聲之與響愛先人之遺體

惜己身之分氣非兄弟何念哉兄弟之際異

元注一本作易字

於他人

望深則易怨地親則易弭

補望責望也弟望兄愛我之不至兄望弟敬我之不至責望太深故易生

怨地親俗間本作他親誤今從宋本地近則情親怨雖易起亦易消弭孟子所謂不藏怒不蓄怨是也詩小雅沔水傳弭止也

譬猶居室一穴則塞之一隙則塗之則無頽毀之慮如雀鼠之

不卹風雨之不防壁陷楹淪無可救矣

雀鼠本行露風雨本鴟鴞二詩

僕妾之

爲雀鼠妻子之爲風雨甚哉

兄弟不睦則子姪不愛

補子姪謂兄弟之子也其緣起顏氏於風操篇詳之見卷二謂晉世已來始呼

叔姪晉書王湛傳濟才氣抗邁於湛略無子姪之敬是也史記

魏其武安侯傳田蚡未貴往來侍酒魏其跪起如子姪又呂氏

春秋亦已有子姪語是則秦漢已來卽有此稱互見後注子姪不愛則羣從疏薄補從子羣

從疏薄則僮僕爲讎敵矣如此則行路皆蹈其面而蹈其心補益

言人皆賤之也誰救之哉人或交天下之士皆有歡愛宋本作

而失敬於兄者何其能多而不能少也人或將數萬之師補將

切得其死力而失恩於弟者何其能疏而不能親也

娣姒者多爭之地也使骨肉居之亦不若各歸四海感霜露而

相思佇日月之相望也況以行路之人處多爭之地能無閒者

鮮矣

補問古莫切  
鮮息淺切

所以然者以其當公務而執私情處重責而

懷薄義也若能恕己而行換子而撫則此患不生矣

人之事兄不可同於事父

補不字蓋衍文或不  
可下脫去一不字

何爲愛弟不及

愛子乎

重校正宋本爲字作怨若依宋本則上句似當云人之  
事兄不能同於事父語意方合各本皆作不可同理未

爲通是反照而不明也沛國劉璉嘗與兄璉連棟隔壁璉呼之數

聲不應良久方答

宋本作應

璉怪問之乃曰向來未著衣帽故也以

此事兄可以免矣

續漢書郡國志沛國屬豫州南史劉璉傳璉  
字子圭沛郡相人篤志好學博通訓義弟璉

字子璉方軌正直儒雅不及璉而文  
采過之璉音桓璉音津著張略切

江陵王元

音懸

紹弟孝英子敏兄弟三人特相愛友所得甘旨新

異非共聚食必不先嘗孜孜色貌相見如不足者及西臺陷沒



江陵梁元帝初爲荊州刺史所治也梁書元帝紀承聖元年冬十一月景子世祖卽皇帝位於江陵三年九月魏遣柱國萬紐于謹來寇反者納魏師世祖見執西魏害世祖遂崩焉元紹以形體魁梧補史記留侯世梧音忤蕭該云今讀爲吾非也顏師古注漢書張良傳魁大貌也梧者言其可驚梧爲兵所圍二弟爭共抱持各求代死終不得解遂并命爾

### 後娶第四

吉甫賢父也伯奇孝子也以

俗間本無宋本有

賢父御孝子合得終於

天性而後妻聞之伯奇遂放

琴操尹吉甫子伯奇母早亡更娶後妻乃譖之吉甫曰伯奇見妾美

有邪念吉甫曰伯奇慈心豈有此也妻曰置妾空房中君登樓

察之乃取蜂置衣領令伯奇撮之於是吉甫大怒放伯奇於野

宣王出遊吉甫從伯奇作歌以感之宣王曰此放子之詞也吉甫感悟射殺其妻補開古莫切會參婦死謂其

子曰吾不及吉甫汝不及伯奇王駿喪妻亦謂人曰我不及會

參子不如華元

補家語七十二弟子解曾參後母遇之無恩而供養不衰及其妻以藜烝不熟遂出之終身不

娶妻其子元請焉告其子曰高宗以後妻殺孝己尹吉甫以後

妻放伯奇吾上不及高宗中不及吉甫庸知其得免於非乎漢

書王吉傳吉子駿為少府時妻死因不復娶或問之駿曰德非

曾參子非華元亦何敢娶案元與華曾子之二子也大戴禮及

說苑敬慎篇俱云曾子疾病曾元抱首曾

華抱足檀弓作曾元曾申是華一名申

竝終身不娶此等足

以為誠其後假繼慘虐孤遺

補假繼謂假母繼母也顏師古注漢書衡山王賜傳假母繼母也一

日父之

離閒骨肉

傷心斷腸者何可勝數

補勝音升慎

之哉慎之哉

江左

俗閒本作右

不諱庶孽喪室之後多以妾媵終家事疥癬

蚊蚋或未

宋本不能免

補喪息浪切疥癬比癰疽之患輕蚊蚋比

限以大分故稀鬪鬩之恥

補分扶

河北鄙於側出不預人流是

以必須重娶至於三四

補重直用切

母年有少於子者後母之弟與

前婦之兄

補此弟與兄皆指其子言

衣服飲食爰及婚宦至於士庶貴賤之

隔俗以爲常身沒之後辭訟盈公門謗辱彰道路子誣母爲妾

弟黜兄爲傭播揚先人之辭迹暴露祖考之長短以求直己者

往往而有悲夫

北史崔亮傳亮祖修之修之弟道固字季堅其母卑賤嫡母兄攸之目連等輕侮之父緝以爲

言侮之愈甚乃資給之令其南仕時宋孝武爲徐兗二州刺史以爲從事道固美形貌善舉止習武事會青州刺史新除過彭城孝武謂曰崔道固人身如此而世人以其偏庶侮之可爲歎息目連子僧深位南青州刺史元妻房氏生子伯驎伯驎後納平原杜氏生四子伯鳳祖龍祖虬後遂與杜氏及四子居青州房母子居冀州僧深卒伯驎奔赴祖龍與訟嫡庶並以刀劍自衛若怨讎焉  
補暴蒲卜切自古姦臣佞妾以一言陷人者眾矣況夫婦之

義曉夕移之婢僕求容助相說引積年累月安有孝子乎此不

可不畏

補說舒芮切  
累力僞切

凡庸之性後夫多寵前夫之孤後妻必虐前妻之子非唯婦人

懷嫉妬之情丈夫有沈惑之僻

補沈直深切

亦事勢使之然也前夫

之孤不敢與我子爭家提攜鞠養積習生愛故寵之前妻之子

每居己生之上宦學婚嫁

補宦學見禮記曲禮上正義引熊氏云宦謂學仕宦之事學謂學習六藝

之莫不爲防焉故虐之異姓寵則父母被怨繼親虐則兄弟爲

讎家有此者皆門戶之禍也

思魯等

此之推之子

從舅殷外臣

補從疾用切

博達之士也有子基謨皆

已成立而再娶王氏基每拜見後母感慕嗚咽

補烏結切

不能自持

家人莫忍仰視王亦悽愴不知所容旬月求退便以禮遣此亦

悔事也

後漢書曰安帝時

後漢書安帝紀恭宗孝安皇帝諱祐肅宗孫父清河孝王慶在位十九年

汝南辭

包孟嘗

續漢書郡國志汝南郡屬豫州

好學篤行喪母以至孝聞

補好呼報切行下孟切喪

息郎切

及父娶後妻而憎包分出之包日夜號泣不能去至被毆

杖

補說文毆推穀物也徐鍇曰以杖擊也

不得已廬於舍外旦入而洒掃

補亦作灑掃上

色買切又所綺切下素報切

父怒又逐之乃廬於里門昏晨不廢積歲餘父

母慙而還之後行六年服喪過乎哀

補見易小過大象傳

既而弟子求分

財異居包不能止乃中分其財奴婢引

宋本作取案范書作引小學同

其老者

曰與我共事久若不能使也

補若汝也

田廬取其荒頓者

元注頓猶廢也案木

章懷注

曰吾少時所理意所戀也

補少詩照切

器物取其朽敗者曰我

素所服食身口所安也弟子數破其產還復賑給補數音朔還范書作輒復

扶富切玉建光中建光安帝年號公車特徵至拜侍中續漢書百官志衛尉屬有公車

司馬令一人六百石掌宮南闕門凡吏民上章四方貢獻及徵詣公車者又云侍中比二千石無員掌侍左右贊導眾事顧問

應對法駕出則多識者一人包性恬虛稱疾不起以死自乞有

參乘餘皆驕狂乘輿車後

詔賜告歸也補此段見范書卷六十九劉平等傳首總序章懷注漢制吏病滿三月當免天子優賜其告使得帶

治家第五

印綬將官屬歸家養病謂之賜告也

夫風化者自上而行於下者也自先而施於後者也是以父不

慈則子不孝兄不友則弟不恭夫不義則婦不順矣父慈而子

逆兄友而弟傲夫義而婦陵則天之凶民乃刑戮之所攝補書涉切

收取也 非訓導之所移也

案下當分段

咎怒廢於家則豎子之過立見

補呂氏春秋蕩兵篇家無怒咎則豎子嬰兒之有過也立見廣

韻豎童僕未冠者臣庾切見形電切

刑罰不中則民無所措手足治家之寬猛亦

猶國焉

左氏昭二十年傳子產曰惟有德者能以寬服民其次

莫如猛夫火烈民望而畏之故鮮死焉水懦弱民狎而

玩之則多死焉故寬難案下當分段

孔子曰奢則不孫儉則固與其不孫也寧固又云如有周公之

才之美使驕且吝其餘不足觀也已然則可儉而不可吝也儉

者省約為禮之謂也

補省所景切案說文繫傳嫡滅也徐錯謂顏氏家訓作此嫡字今本殆亦後人所改

矣吝者窮急不卹之謂也今有施則奢

補舊本皆作奢則儉則施今依下文乙正

吝如能施而不奢儉而不吝可矣

生民之本要當稼穡而食桑麻以衣蔬果之蓄園場之所產雞

豚之善埽圈之所生

補繫垣而棲雞爲埽見詩王風君子爰及于役篇圈其眷切說文養畜之閑也

棟宇器械樵蘇脂燭

補漢書韓信傳樵蘇後爨方言蘇芥草也古者以麻黃爲燭灌以脂後世唯用牛羊

之脂又或以蠟或以柏或以樺莫非種殖之物也至能守其業者閉門而爲生

之具以足但家無鹽井耳

左思蜀都賦家有鹽泉之井劉良注蜀都臨邛縣江陽漢安縣皆有鹽井

巴西充國縣鹽井數十杜預益州記州有卓王孫今北土風俗鹽井舊常於此井取水煮鹽義熙十五年治井也

率能躬儉節用以贍衣食江南奢侈多不逮焉

梁孝元世有中書舍人

隋書百官志中書省通事舍人舊人直閣內梁用人殊重簡以才能不限資地

多以他官兼領其後除通事直曰中書舍人

治家失度而過嚴刻妻妾遂其貨刺客

伺醉而殺之



世間名士但務寬仁至於飲食饌饋

補饌與餽同式亮切饋求位切

僮僕減損

補古僮僕作童童子作僮後乃互易此下家童字卻與古合

施惠然諾妻子節量狎侮賓客

侵耗鄉黨此亦為家之巨蠹矣

補蠹當故切比之食木之蟲

齊吏部侍郎房文烈

補北史房法壽傳法壽族子景伯景伯子文烈位司徒左長史性溫柔未嘗嗔怒為

吏部郎時下載此事

未嘗嗔怒經霖雨絕糧

左氏隱九年傳凡雨自三日以往為霖

遣婢糴

米因爾逃竄三四許口方復擒之房徐曰舉家無食汝何處來

竟無捶撻

宋本有之意兩字注一本無

嘗寄人宅

補以宅寄人也

奴婢徹屋為薪略

盡間之輦蹙卒無一言

裴子野有疎親故屬飢寒不能自濟者皆收養之家素清貧時

逢水旱二石米為薄粥僅得徧焉躬自同之常無厭色

南史裴松之傳

松之曾孫子野字幾原少好學善屬文居父喪每之墓所草爲之枯有白兔白鳩馴擾其側外家及中表貧乏所得奉悉給之  
妻子恆苦飢寒鄴下有一領軍晉書職官志中領軍將軍魏官也文帝踐祚始置領軍將軍貪積已

甚家童八百誓滿一千宋本作千人朝夕每人此兩字俗開本無無以兼後坐事伏

膳以十五錢爲率補音遇有客旅便俗開本作更無以兼後坐事伏

法籍其家產補籍抄沒也麻鞋一屋弊衣數庫其餘財寶不可勝言

補勝南陽有人隋書地理志南陽郡有南陽縣屬豫州爲生奧博補言幽隱而廣博也補注文選

陸機君子有所思行善哉膏粱士營生奧且博性殊儉客冬至

後女壻謁之乃設一銅甌酒數臠麋肉補臠力沆切切肉也麋亦作獐壻恨其

單率補所律切一舉盡之主人愕然俛仰命益如此者再退而責其

女曰某郎好酒故汝常貧宋本常作嘗非及其死後諸子爭財兄遂殺

弟

婦主中饋惟事酒食衣服之禮耳

易家人六二无攸遂在中饋詩小雅斯干無非無儀惟酒

食是議魯語敬姜曰王后親織紉統公侯之夫人加之以紱綬卿之內子爲大帶命婦成祭服大夫之妻加之以朝服自庶人

以下皆衣其夫國不可使預政家不可使幹蠱

用幹蠱皆美辭如有聰明才智識達古今正當輔佐君子

足必無牝雞晨鳴以致禍也

江東婦女略無交遊其婚姻之家

母相謂爲婚姻或十數年間未相識者惟以信命贈遺致殷勤焉

也命問也遺以醉切鄴下風俗專以婦持門戶爭訟曲直造請逢迎

切車乘填街衢

補乘食證切次下同綺羅盈府寺

廣韻引風俗通府聚也公卿牧守道德之所聚

也釋名寺嗣也治事者嗣續於其內也代子求官為夫訴屈補為于此乃恆代之

遺風乎閭若據潛邱劄記有以恆代之遺風問者余曰拓跋魏郡郡屬恆州所云恆代之南開貧素皆事外飾車乘衣服必貴

遺風謂是魏氏之舊俗耳元注一本多由內政綺羅

齊整家人妻子不免飢寒河北人事作士字

金翠不可廢闕羸馬頓奴僅充而已補頤與倡和之禮或爾汝

之補和胡臥切倡和謂夫婦世說惑溺篇載王安豐婦常卿安豐安豐曰婦人卿壻於禮為不敬後勿復爾是江南無爾汝

之稱也重校正南開貧素起似當分段

河北婦人織紵組紃之事補禮記內則女子十年不出姆教婉婉聽從執麻桑治絲繭織紵組紃鄭

注紃條正義紃為繒帛組紃俱為補散錦繡羅綺之工大優於

條也薄闊為組似繩者為紃音巡

江東也案下當

別為條

太公曰養女太多一費也陳蕃云盜不過五女之門女之爲累

亦以深矣

後漢書陳蕃傳蕃字仲舉上疏曰諺云盜不過五女之門以女貧家也今後宮之女豈不貧國乎補累力

切然天生蒸民先人傳體其如之何世人多不舉女賊行骨肉

豈當如此而望福於天乎吾有疏親家饒妓媵誕育將及便遣

閨豎守之體有不安窺窗倚戶若生女者輒持將去母隨號泣

莫敢救之使人不忍聞也

婦人之性率寵子壻而虐兒婦寵壻則兄弟之怨生焉虐婦則

姊妹之讒行焉然則女之行畱皆得罪於其家者母實爲之至

有諺云落索阿姑餐

補落索當時語大約冷落蕭索之意

此其相報也家之常弊

可不誠哉

婚姻素對靖侯成規

晉書孝友傳顏含字宏都琅邪華人也豫

於含含以其盛滿不許致仕封西平縣侯拜侍中桓溫求婚

補爾雅釋詁妃合會對也晉書衛瓘傳武帝勅瓘第四子宣尚

繁昌公主瓘自以諸生之胄婚對微

素抗表固辭案靖侯之推九世祖也近世嫁娶遂有賣女納財

買婦輸絹比量父祖計較錙銖責多還少市井無異或猥壻在

門或傲婦擅室貪榮求利反招羞恥可不慎歟

補古重氏族致有販鬻祖曾以

為賈道如沈約彈王源之所云者此風至唐時猶未衰止也庸猥之壻驕傲之婦唯不求佳對而但論富貴是以此

借人典籍皆須愛護先有缺壞就為補治此亦士大夫百行之

一也

補行下

濟陽江祿

隋書地理志濟陰郡統縣九有濟陽縣補注南史附其高祖江夷傳祿字彥遐

幼篤學有文章位太子洗馬湘東王錄事參軍後為唐侯相卒

讀書未竟

補居

雖有急速必待

卷束整齊

補卷居

然後得起故無損敗人不厭其求假焉或有

顏氏家訓

卷一

七

渭南嚴氏孝

狼籍几案分散部秩

俗本作秩今從宋本秩次第也

多為童幼婢妾之所點汗

風雨蟲鼠之所毀傷

蟲本皆作大宋本注一本作蟲案小學作蟲今從之

實為累德吾每

讀聖人之書未嘗不肅敬對之其故紙有五經詞義及賢達姓

名不敢穢用也

補穢褻也小學引賢達作聖賢穢作他

吾家巫覡禱請絕於言議符書章醮亦無祈焉竝汝曹所見也

勿為

本皆無為字今據小學所引補

妖妄之費

補楚語下明神降之在男曰覡在女曰巫章注巫覡見鬼者周

禮男亦曰巫魏書釋老志化金銷玉行符勅水奇方妙術萬等千條案道士設壇伏章祈禱曰醮蓋附古有醮祭之禮而名之

耳醮了肖切

渭南嚴式詢斟鐫

顏氏家訓卷第一終

成都龔道耕重斟

顏氏家訓卷第二

風操 慕賢

風操第六

吾觀禮經聖人之教箕帚匕箸咳唾唯諾執燭沃盥皆有節文

亦爲至矣

禮記曲禮上凡爲長者糞之禮必加帚於箕上以袂

母以箸又曰掘衣趨隅必慎唯諾父召無諾先生召無諾唯而

起內則在父母舅姑之所不敢噦噫噓咳欠伸跛倚睥視不敢

唾洩又曰進盥少者奉槃長者奉水請沃盥盥卒授巾問所欲

而敬進之少儀執燭不讓不辭不歌匕所以舉鼎肉者說文亦

所以取飯一日咽咳苦愛切噎吐臥切唯于癸切注拘音鉤鄉

許亮切扱許急切噦於月切噫於界切洩亦作涕吐細切補帚

諸本皆作箒俗今改正管子弟子職昏將舉火執燭隅坐錯總

之法橫於坐所櫛之遠近乃承厥火居句如矩蒸間容蒸然者

處下捧碗以爲緒右手執燭左手正櫛有墮代燭案櫛亦但旣

作望謂燭燼緒亦燭之燼也墮倦也倦則易一人代之

渭南嚴氏孝

頁二

卷二

二

一

渭南嚴氏孝

渭南嚴氏孝

渭南嚴氏孝

渭南嚴氏孝

渭南嚴氏孝



殘缺非復全書

補復扶又切

其有所不載及世事變改者學達君子

自爲節度相承行之故世號士大夫風操

補七到切

而家門頗有不

同所見互稱長短然其阡陌亦自可知

風俗通南北曰阡東西曰陌河東以東西爲阡

南北爲陌補阡陌猶言途徑此所引風俗通今逸見史記秦本紀索隱等書

昔在江南曰能視而見

之耳能聽而聞之蓬生麻中

荀子勸學篇蓬生麻中不扶而直亦見天戴禮記

不勞翰

墨汝曹生於戎馬之間視聽之所不曉故聊記錄

宋本無錄字

以傳

示子孫

禮云見似目瞿聞名心瞿

禮記雜記免喪之外行於道路見似目瞿聞名心瞿鄭注似謂容貌似其

父母名與親同瞿九遇切驚變之意

有所感觸惻愴心眼若在從容平常之地幸

須申其情耳

補從七容切

必不可避亦當忍之猶如伯叔兄弟酷類

先人可得終身腸斷與之絕耶又臨文不諱廟中不諱君所無

私諱

禮記檀弓上文

益知聞名須有消息

補益各本皆作蓋訛今改正消息猶言節度無使徑情直

行不必期於顛沛而走也

補顛沛踉蹌之意

梁世謝舉甚有聲譽聞諱

必哭為世所譏

梁書謝舉傳舉字言揚中書令覽之弟幼好學能清言與覽齊名

又有臧逢世

臧嚴之子也篤學修行不墜門風

梁書文學傳臧嚴字彥威幼有孝性居父憂以毀聞孤貧

勤學行止書卷不離於手

補案南史臧燾傳附載諸臧無逢世名行下孟切

孝元經牧江州遣往建

昌督事

梁書元帝紀大同六年出為使持節都督江州諸軍事鎮南將軍江州刺史隋書地理志九江郡舊曰江州豫

章郡統縣四

郡縣民庶競修牋書朝夕輻輳

補牋亦作箋博物志鄭康成注毛詩

日箋毛公嘗為北海相鄭是此郡人故以為敬案文選所載牋皆與王侯書蓋表之次也輻輳言如車輻之聚於轂也老子道

經三十幅共一轂補校

几案盈積書有稱嚴寒者必對之流涕

正宋本牋作箋乃本字

不省取記多廢公事物情怨駭竟以不辦而還此竝過事也

當分

近在揚都

隋書地理志江都郡屬揚州

有一士人諱審而與沈氏交結周厚

沈與其書名而不姓此非人情也

案下當分

凡避諱者皆須得其同訓以代換之

補如漢人以國代邦以滿代盈以常代恆以開代啓

之類是也近世始以聲相近之字代之

桓公名白博有五皓之稱

宋玉招魂成梟而牟呼五白王

逸注五白博齒也倍勝爲牟博亦作篋沈氏攷證博有五白齊威公名小白故改爲五皓一本以博爲傳者非補稱尺證切齊

桓作齊威此又宋人避諱改也之推作觀我生賦云慙四白之調護廟六友之談說乃以四皓爲四白此非有所諱但取新耳

厲王名長琴有修短之目

漢書淮南厲王傳名長高祖少子所出未詳補案今淮南子凡長字俱作

修不聞謂布帛爲布皓呼腎腸爲腎修也梁武小名阿練

梁書武帝

紀高祖武皇帝諱衍字叔達小字練兒

子孫皆呼練爲絹乃謂銷練物爲銷絹物

恐乖其義或有諱雲者呼紛紜爲紛煙有諱桐者呼梧桐樹爲

白鐵樹便似戲笑耳

補案趙宋之時嫌名皆避有因一字而避至數十字者此末世之失也又案下當分段

周公名子曰禽孔子名兒曰鯉

補家語本姓解十九娶宋之升官氏一歲而生伯魚魚之生也

魯昭公以鯉魚賜孔子孔子榮君之賜故因名曰鯉而字伯魚案开音堅漢韓勅碑作井官氏蓋隸體之變宋大中祥符封鄆國夫人詔鄧名世姓氏書辨證王伯厚姓氏急就章元至正三年廟制詞並以开官爲井官誤也今從左傳桓六年正義作开

官止在其身自可無禁至若衛侯魏公子楚太子皆名蟣強

史記

韓世家襄王十二年太子嬰死公子咎公子蟣強爭爲太子時蟣強質於楚案戰國韓策作幾瑟此所云則未詳本或作虱乃

俗字長卿名犬子

史記司馬相如傳蜀郡成都人也字長卿王修少時好讀書學擊劍故其親名之曰犬子

名狗子

補魏志王修傳修字叔治北海營陵人不載名狗子語

上有連及理未爲通古之

所行今之所笑也北土多有名兒爲驢駒豚子者使其自稱及

兄弟所名亦何忍哉前漢有尹翁歸

漢書尹翁歸傳字子兄平陽人徙杜陵注兄讀曰況

後漢有鄭翁歸

梁書何遜傳會稽孔翁歸亦工爲詩補金樓子雜記

篇孔翁歸解乎言能屬文好飲酒氣韵標遠嘗語余曰翁歸不

畏死但願仲秋之時猶觀美月季春之日得翫垂楊有其二物

死所歸矣余謂斯言雖

又有顧翁寵晉代有許思妣孟少孤

並未

有過差無妨有才也

詳補注音書隱逸傳

如此名字幸當避之

案下當分段重校正

孟陋字少孤武昌人

如此名字幸當避之

前漢有尹翁歸起似

當分

段

今人避諱更急於古凡名子者當爲孫地吾親識中有諱襄諱

友

宋本脫

諱同

宋本作

諱清諱和諱禹交疏造次一座百犯

補交

疏當爲疏交故容有不審者疏如字讀一云交

往書疏則當音所去切造次倉猝也造七到切

聞者辛苦無慘

賴焉

補廣韵廖落蕭切亦作聊本或作廖非案下當分段

昔司馬長卿慕蔣相如故名相如

見史記本傳

顧元歎慕蔡邕故名

雍

沈氏攷證三國志顧雍字元歎以其為蔡邕所歎一本作元凱者非補雍與邕同

而後漢有朱張字

孫卿許暹字顏回梁世有庾晏嬰祖孫登

並未詳

連古人姓為名

字亦鄙事

宋本作才也案下當分段

昔劉文饒不忍罵奴為畜產

後漢書劉寬傳寬字文饒嘗坐客遺蒼頭市酒迂久大醉而還客不

堪之罵曰畜產寬使人視奴疑必自殺曰此人也罵言畜產故吾懼其死也補畜古音許又切今人呼昌六切

今世愚

人遂以相戲或有指名為豚犢者有識傍觀猶欲掩耳況當

俗本

作名今之者乎

案下當分段

近在議曹共平章百官秩祿

補曹局也平章雖本尚書後世以為處當眾事之稱唐以後遂以繫

衙有一顯貴當世名臣意嫌所議過厚齊朝有一兩士族文學

之人謂此貴曰今日天下大同須爲百代典式豈得尙作關中

舊意

俗本有乎字宋本無案魏都關中齊承東魏都鄴

明公定是陶朱公大兒耳彼此

歡笑不以爲嫌

史記越王句踐世家范蠡去齊居陶自謂陶朱公父子固請行不聽其母爲言乃遣長子爲書遺故所善莊生

公中男殺人因於楚公遣其少子往視之裝黃金千鎰且遣少子長男固請行不聽其母爲言乃遣長子爲書遺故所善莊生曰至則進千金聽其所爲慎無與爭事長男至莊生家發書進金如父言生曰可疾去慎無畱卽弟出勿問所以然莊生雖居窮閭以廉直聞於國自王以下皆師尊之及朱公進金非有意受也欲成事後復歸之長男不知其意以爲殊無短長也莊生入見楚王言某星宿某此則害於楚王曰今爲柰何生曰獨以德爲可以除之王乃使使者封三錢之府楚貴人告長男曰王且赦長男以爲救弟固當出復見莊生去生知其意欲得金曰固未也初爲弟事弟今議自赦故辭生去生知其意欲得金曰若自入室取金長男卽取金持去生羞爲兒子所賣乃入見楚王曰臣前言某星事王欲以修德報之今道路皆言陶之富人朱

公之子殺人囚楚其家多持金錢賂王左右王非恤楚國而故以朱公子故也王大怒令殺朱公子明日下赦令長男竟持其弟喪歸母及邑人盡哀之朱公獨笑曰吾固知必殺其弟也彼非不愛弟是少與我俱見苦爲生難故重棄財至如少弟者生而見我富豈知財所從來故輕去之非所惜吝前日吾所爲欲遺少子固爲其能棄財故也長者不能故卒以殺其弟事之理也無足悲者吾日夜固以望其喪之來也

昔侯霸之子孫稱其祖父曰家公

後漢書侯霸傳霸字君房河南密人矜嚴有威容篤志好

學官至大司徒補王丹傳丹徵爲太子少傅時大司徒侯霸欲與交友及丹被徵遣子昱侯於道昱迎拜車下丹下答之昱曰家公欲與君結交何爲見拜丹曰君房有陳思王稱其父爲宋是言丹未之許也案此孫字祖字或誤衍

作家父母爲家母

魏志陳思王植傳字子建薨年四十一景初中詔撰錄所著凡百餘篇補陳思王集實刀

賦序家父魏王乃命有司造寶刀五枚下文稱家王又敘愁賦序時家二女弟故漢皇帝聘以爲貴人家母見二弟愁思云云又釋思賦序家弟

潘尼稱其祖曰家祖

晉書潘岳傳岳從子尼字正叔性靜退不競唯



以勤學著述為事永嘉中遷太常卿今集後人所掇拾者無家祖語古人之所行今人之所笑也

及補疑當南北風俗言其祖及二親無云家者田里猥人方有

此言耳補猥人凡與人言言已世父以次第稱之不云家者以

尊於父不敢家也凡言姑姊妹女子子補儀禮喪服每言姑姊

者女子也別於男子也疏云男子女子各單稱子是對父母生

稱今於女子別加一子故雙言二子以別於男一子者姑對姪

姊妹對兄弟已嫁則以夫氏稱之在室則以次第稱之言禮成他族

不得云家也子孫不得稱家者輕略之也蔡邕書集呼其姑女

為家姑家姊後漢書蔡邕傳邕字伯喈所著詩賦碑誄銘讚班

固書集亦云家孫後漢書班彪傳子固字孟堅所著典引賓戲

四十一篇補今今竝不行也案下當

分段

班集亦未見

凡與人言稱彼祖父母世父母父母及長姑皆加尊字自叔父

母以下則加賢字尊卑之差也

補差楚宜切

王羲之書稱彼之母與

自稱己母同不云尊字今所非也

晉書王羲之傳羲之字逸少辨贍以骨鯁稱尤善隸書爲

古今之冠拜護軍苦求宣城郡不許乃以爲右軍將軍會稽內史補案今右軍諸帖中亦不見有此

南人冬至歲首不詣喪家

補詣五計切至也喪息郎切

若不修書則過節束

帶以申慰北人至歲之日重行弔禮

補重直用切

禮無明文則吾不

取南人賓至不迎相見捧手而不揖送客下席而已北人迎送

竝至門相見則揖皆

俗本無此字宋本有

古之道也吾善其迎揖

昔者王侯自稱孤寡不穀

補老子德經是以侯王自謂孤寡不穀此其以賤爲本邪非乎

自茲

以降雖孔子聖師與門人言皆稱名也後雖有臣僕之稱行者

蓋亦寡焉

補史記高祖本紀呂公語劉季自稱臣張耳陳餘傳餘對耳自稱臣漢書司馬遷傳載報任安書稱僕楊

惲傳答孫會宗書亦稱僕他不能徧舉稱尺證切

江南輕重各有謂號具諸書儀補隋書經

籍志內外書儀四卷謝元撰書儀二卷蔡超撰又十卷王宏撰又十卷唐瑾撰又書儀疏一卷周捨撰

北人多稱

名者乃古之遺風吾善其稱名焉

言及先人理當感慕古者之所易今人之所難江南人

俗本脫人字

事不獲已

各本此下有乃陳文墨愷愷無自言者宋本注云一本無此十字案無者是也有則與下複文章篇愷音

平麥切

須言閼閼

補史記高祖功臣侯年表明其等曰伐積日日閼閼與伐同此閼閼猶言家世

必以文

翰罕有面論者北人無何便爾話說

顏師古注漢書翟方進傳無何猶言無幾謂少時

及相訪問如此之事不可加於人也人加諸已則當避之各位

未高如爲勳貴所逼隱忍方便速報取了勿使

元注一作煩重感本作取

辱祖父

補重直用切

若沒言須及者則斂容肅坐稱大門中

案家之稱門古

矣逸周書皇門解會羣門蓋言眾族姓也又曰大門宗子

世父叔父則稱從兄弟門中兄弟

則稱亾者子某門中各以其尊卑輕重爲容色之節皆變於常

若與君言雖變於色猶云亾祖亾伯亾叔也吾見名士亦有呼

其亾兄弟爲兄子弟子門中者亦未爲安帖也北土風俗

元注一本

無風俗字都不行此太山羊侃梁初入南

侃同侃梁書羊侃傳侃字祖忻泰山梁甫人祖規陷

魏父社魏侍中金紫光祿大夫侃以大通三年至京師晉吾近書地理志泰山郡漢置屬縣有梁父案泰太甫父俱通用

至鄴其兄子肅訪侃委曲

補魏書羊深傳深字文淵梁州刺史社第二子也子肅武定末儀同開府

東關祭酒吾答之云卿從門中在梁如此如此

補從疾用切下同

肅曰是我

親第七亾叔非從也祖孝徵在坐

北齊書祖珽傳珽字人

先知江

南風俗乃謂之云賢從弟門中何故不解

案下當分段

古人皆呼伯父叔父而今世多單呼伯叔

案伯仲叔季兄弟之次故稱諸父必連父

爲從父

俗本脫父字

兄弟姊妹已孤而對其前呼其母爲伯叔母此

不可避者也兄弟之子已孤與他人言對孤者前呼爲兄子弟

子頗爲不忍北土人多呼爲姪案爾雅喪服經左傳姪名雖通

男女竝是對姑之

宋本稱作立

沈氏攷證爾雅云女子謂舅弟之子爲姪左傳云姪其從姑喪服經亦一

書也隋書經籍志喪服經傳及疏義凡十餘家一本作喪服經

者非案爾雅見釋親左傳在僖十四年喪服經在儀禮內子夏

爲之傳其大功九月章姪丈夫婦人報傳曰姪者何也謂吾姑

者吾謂之姪補呂氏春秋疑似篇黎邱有奇鬼焉喜效人之子

姪昆弟之狀此卽稱兄弟之子爲姪所自始自唐以前言喪

服者俱有專家而今人士率不措意可慨也夫稱尺證切

世已來始呼叔姪今呼爲姪於理爲勝也

別易會難古人所重江南餞送下泣言離有王子侯梁武帝弟

出爲東郡

續漢書郡國志東郡秦置屬兗州隋書地理志同

與武帝別帝曰我年已老

與汝分張甚以

元注一本作心字

惻愴數行淚下

補行胡郎切

侯遂密雲

易小

畜豕

密雲不雨

補語林

有人詣謝公別謝公流涕人了不悲既去左右日向客殊自密雲謝公曰非徒密雲乃是旱雷案以不

雨泣爲密雲止可施於小說若

赧然而出

補說文赧面慙赤也奴版切俗作赧坐

此被責飄飄舟渚一百許日卒不得去北閒風俗不屑此事岐

路言離歡笑分首然人性自有少涕淚者腸雖欲絕目猶爛然

如此之人不可強責

補強其兩切孔叢子儒服篇子高遊趙有鄒文季節者與子高相友善及將還魯文

節送行三宿臨別流涕交頤子高徒抗手而已其徒問曰此無

乃非親親之謂乎子高曰始吾謂此二子丈夫耳乃今知其婦

人也人生則有四方之志豈鹿豕也哉而常羣聚乎

案子高之言於朋友則可然不可以概之天倫也

渭南嚴氏孝

凡親屬名稱皆須粉墨

補謂修飾

不可濫也無風教者其父已孤呼

外祖父母與祖父母同使人爲其不喜聞也

補爲于僞切爲其猶言代彼人雖

質於面皆當加外以別之

補質於面謂親見外祖父母亦必當稱外也別彼列切下同

父母

之世叔父皆當加其次第以別之父母之世叔母皆當加其姓

以別之父母之羣從世叔父母

補從直用切下同

及從祖父母皆當加

其爵位若姓以別之河北士人皆呼外祖父母爲家公家母

補家

母似當作家婆古樂府阿婆不嫁女那得孫兒抱

江南田里間亦言之以家代外非吾

所識

案下當分段

凡宗親世數有從父有從祖有族祖江南風俗自茲已往高秩者通呼爲尊同昭穆者雖百世猶稱兄弟若對他人稱之皆云

族人河北士人雖三二十世猶呼爲從伯從叔梁武帝嘗問一中土人曰卿北人何故不知有族答云骨肉易疎不忍言族耳

當時雖爲敏對於禮未通

案下當分段

吾嘗問周宏

瑚肱切

讓曰

陳書周宏正傳弟宏讓性開素博學多

通天嘉初以白衣領太常卿光祿大夫

加金章紫綬

父母中外姊妹何以稱之

補稱之如字下之稱尺證切今皆無別矣

周曰亦

呼爲丈人自古未見丈人之稱施於婦人也吾親表所行若父

屬者爲某姓姑母屬者爲某姓姨中外丈人之婦猥俗呼爲丈

母士大夫謂之王母謝母云而陸機集有與長沙顧母書乃其

從叔母也今所不行

晉書地理志長沙郡屬荊州陸機傳字士衡吳郡人少有異才文章冠世伏膺儒術

非禮不動年二十而吳滅退居舊里閉門勤學太康末與弟雲俱入洛造太常張華華素重其名如舊相識曰伐吳之役則獲



二俊補陸此書今  
已案下當分段

齊朝士子皆呼祖僕射為祖公

北齊書後主紀武平三年二月以左僕射唐邕為尚書令待中

祖珽為左僕射音夜

全不嫌有所涉也

補案祖父稱公今連祖姓稱公故云嫌有所涉然則稱姓家者

亦不可云家公乃有對面以相

元注一本作為字

戲者

古者名以正體字以表德名終則諱之

補左氏桓六年傳文

字乃可以為

孫氏

孫以王父字為氏如公子展之孫無駭率公命以其字為展氏見左氏隱八年傳

孔子弟子記事

者皆稱仲尼呂后微時嘗字高祖為季

史記高祖本紀姓劉氏字季秦始皇帝常曰東

南有天子氣於是因東遊以厭之高祖即自疑匿隱於芒碭山澤巖石之間呂后與人俱求常得之高祖問之呂后曰季

所居上常有雲氣

至漢爰種字其叔父曰絲

漢書爰盜傳盜字絲從徒為吳相兄子

種謂絲曰吳王驕日久國多姦今絲欲刻治彼不上書告君則利劍刺君矣南方卑溼絲能日飲公何說王母反而已如此幸

得王丹與侯霸子語字霸為君房後漢書王丹傳丹字仲回京兆下邳人餘見前稱祖父曰

家公注江南至今不諱字也河北十八全不辨之名亦呼為字字

固各本此下有因字似衍文呼為字尚書王元景兄弟皆號名人其父名雲

字羅漢一皆諱之其餘不足怪也北齊書王昕傳昕字元景北海劇人父雲仕魏朝有名望

昕少篤學讀書楊愔重其德業以為人之師表除銀青光祿大夫判祠部尚書事弟暉字叔朗小名沙彌幼而孝謹淹雅有器

度好學不倦美容儀有風則武平初遷大鴻臚加儀同三司性恬淡寡欲雖王事鞅掌而雅操不移良辰美景嘯咏遨遊人士

謂之物外司馬補魏書王憲傳憲子疑疑子雲字羅漢頗有風尚兗州刺史坐受所部財貨御史糾劾付廷尉遇赦免卒贈豫

州刺史諡曰文昭有九子長子昕昕弟暉暉弟明

禮聞傳云斬綰之哭若往而不反齊縗之哭若往而反大功之

哭三曲而偯小功總麻哀容可也此哀之發於聲音也補開傳禮記篇

顏氏家訓

卷二

十

義家塾叢書

名開如字傳張戀切鄭目錄云以其記喪服之閒輕重所宜也

縗本作衰倉回切下同齊卽夷切亦作齋三曲各本皆譌作三

哭今依本書改正鄭注三曲一舉聲而三折孝經云哭不偯

也偯聲餘從容也釋文餘起切說文作悠章孝子之喪親也哭不偯禮無容服美不

安聞樂不樂食旨不甘此哀戚之情也皆論哭有輕重質文

之聲也禮以哭有言者爲號補戶刀然則哭亦有辭也江南喪

哭時有哀訴之言耳山東重喪則唯呼蒼天補重如替功以下

則唯呼痛深便是號而不哭補案此語則上文禮以

江南凡遭重喪若相知者在城邑三日不弔則絕之除喪雖

相遇則避之怨其不已憫也有故及道遙者致書可也無書亦

如之北俗則不爾補爾如江南凡弔者主人之外不識者不執

手識輕服而不識主人則不於會所而弔他日修名詣其家

陰陽說云辰爲水墓又爲土墓故不得哭水土俱長生於申故墓俱在辰王充

論衡云辰日不哭哭則重喪後漢書王充傳充字仲任會稽上虞人家貧無書常遊洛陽市肆閱

所賣書一見輒能誦憶遂博通眾流百家之言以爲俗儒守文多失其真乃閉戶潛思絕慶弔之禮戶牖牆壁各置刀筆著論

衡八十五篇補此所引論衡見辯崇篇重直龍切喪如字下同今無教者辰日有喪不問輕重

舉家清謚補爾雅釋詁謚靜也音密不敢發聲以辭弔客道書又曰晦歌朔

哭皆當有罪天奪其算補道書道家之書喪家朔望哀感彌深寧當惜

壽又不哭也亦不諡元注一本無亦不諡三字

偏傍之書死有歸殺補偏傍之書謂非正書俗本殺作煞道家多用之此從宋本死有煞日今杭人讀爲

所介子孫逃竄莫官在家畫瓦書符作諸狀勝補北人逃煞南人接煞余在江

寧其俗不知有煞畫喪出之日門前然火戶外列灰補列俗本

宋本門前然火今

祓送家鬼章斷注連

補祓敷勿切又音廢去也

凡如

此比不近有情乃儒雅之罪人彈議所當加也

補彈奴干切

已孤而履歲

補此下疑當有朝字

及長至之節無父拜母祖父母世叔父

母姑兄姊則皆泣

補說文泣無聲出涕也

無母拜父外祖父母舅姨兄姊

亦如之此人情也

江左朝臣子孫初釋服朝見二宮皆當泣涕

補朝陟遙切見胡電切二宮帝與太

也二宮爲之改容

補爲于傷切

頗有膚色充澤無哀感者梁武薄其

爲人多被抑退裴政出服問訊武帝貶瘦枯槁涕泗滂沱武帝

目送之曰裴之禮不死也

南史裴邃傳子之禮字子義母憂居喪惟食麥飯邃廟在光宅寺西堂宇

宏敞柏松鬱茂范雲廟在三橋達蒿不翦梁武帝南郊道經二廟顧而歎曰范爲已死裴爲更生之禮卒於少府卿謚曰壯子

政承聖中位給事黃門侍郎魏剋江陵隨例入長安北史裴政傳政字德表仕隨爲襄陽總管令行禁止稱爲神明著承聖實錄一卷一

二親既沒所居齋寢子與婦弗忍入焉北朝頓丘李構宋書州郡志頓

邱二漢屬東郡魏屬陽平武帝泰始二年分淮陽置頓邱郡縣屬焉母劉氏夫人亡後所住之堂

終身鑱閉弗忍開入也補鑱說文作鎖夫人宋廣州刺史纂之孫女宋書

州郡志廣州刺史吳孫休永安七年故構猶染江南風教其父分交州立領郡十七縣一百三十六

獎爲揚州刺史鎮壽春遇害同上揚州刺史前漢未有治所後漢治歷陽魏晉治壽春補北史李

崇傳崇從弟平平子獎字遵穆容貌魁偉有當世才度元顥入洛以獎兼尙書左僕射慰勞徐州羽林及城人不承顥旨害獎

傳首洛陽孝武帝初詔贈冀州刺史子構字祖基少以方正見稱襲爵武邑郡公齊初降爵爲縣侯位終太府卿構常以雅道

自居甚爲名流所重構嘗與王松年祖孝徵數人同席談讌補北齊書王松年傳少知

名文襄臨并州辟爲主簿孝昭擢拜給事黃門侍郎孝昭崩護梓宮還鄴哭甚流涕武成雖念松年戀舊情切亦雅重之以本官加散騎常侍孝徵善畫補胡遇有紙筆圖寫爲人頃之因割食高邑縣侯

鹿尾戲截畫人以示構而無他意構愴然動色便起就馬而去

舉坐驚駭莫測其情祖君尋悟方深反側當時罕有能感此者

吳郡陸襄父閑被刑襄終身布衣蔬飯雖薑菜有切割皆不忍

食居家唯以招摘供廚

補南史陸慧曉傳閑字遐業慧曉兄子也有風槩與人交不苟合仕至揚州別

駕永元末刺史始安王遙光據東府作亂閑以綱佐被收尙書令徐孝嗣啓閑不預逆謀未及報徐世標命殺之四子厥絳完襄也襄本名襄字趙卿有奏事者誤字爲襄梁武帝乃改爲襄字師卿太清元年爲度支尙書襄弱冠遭家禍釋服猶若居憂終身蔬食布衣不聽音樂口不言殺害招苦洽切玉篇爪按日招江寧姚子篤母以燒死終身不忍噉炙補噉徒濫切與啗啖豫章熊康父以醉而爲奴所殺

終身不復嘗酒

補晉書地理志豫章郡屬揚州復扶又切

然禮緣人情恩由義斷

補

亂親以噎死亦當不可絕食也

元注一本無當字有也字一本有當字無也字

禮經父之遺書母之杯圈感其手口之澤不忍讀用

補禮記王

不能讀父之書手澤存焉爾母沒而杯圈不能飲焉口澤之氣存焉爾鄭注圈屈木所為謂厄匱之屬釋文圈起權切案亦作

卷政為常所講習讎校繕寫

補為于偽切左太沖魏都賦讎校篆籀案讎謂一人持本一人讀之

若怨家相對有誤必舉不冒少恕也漢劉向校中祕書凡一書竟奏上每云皆定以殺青可繕寫後漢書盧植傳臣前以周禮諸經為之解詁無力供及偏加服用有迹可思者耳若尋常墳繕寫上章懷注繕善也

典為生什物安可悉廢之乎

補孔安國尚書序伏羲神農黃帝之書謂之三墳言大道也少昊顓

頊高辛唐虞之書謂之五典言常道也史記五帝本紀舜作什器於壽邱索隱什數也蓋人家常川之器非一故以十為數猶

今云什物也既不讀用無容散逸惟當緘係以畱後世耳

補緘古咸切封也案



下當分段

思魯等第四舅母親吳郡張建女也有第五妹三歲喪母補喪息浪

切靈牀上屏風平生舊物屋漏沾溼出暴曬之補暴蒲木切曬所賣切女

子一見伏牀流涕家人怪其不起乃往抱持薦席淹漬精神傷

沮補淹漬御覽引作淚漬漬疾智切浸潤也沮慈呂切消沮也不能飲食將以問醫醫診脈

云腸斷矣因爾便吐血數日而亡中外憐之莫不悲歎

禮云忌日不樂補禮記祭義君子有終身之喪忌日之謂也忌日不用非不祥也言夫日志有所至而不敢盡

其私也樂如正以感慕罔極惻愴無聊故不接外賓不理眾務

耳必能悲慘自居何限於深藏也世人或端坐奧室補奧室深隱之室禮

記仲尼燕居室而無不妨言笑盛營甘美厚供齋食迫有急率

奧阼則亂於堂室也

補與密戚至交盡無相見之理蓋不知禮意乎案下當

魏世王修母以社日亡來歲社日各本俱脫日字宋本作來歲

孝子傳載此事修感念哀甚鄰里聞之為之罷社魏志王脩傳

有日字今據補海營陵人七歲喪母下載此事今二親喪亡補喪息偶值伏臘分至之節補歷

四時代謝皆以相生至於立秋以金代火金畏火故至庚日必

伏庚者金也陰陽書從夏至後第三庚為初伏第四庚為中伏

立秋後初庚為後伏亦謂之末伏史記秦本紀德公始為伏祠

魏臺訪議王者各以其行盛日為祖衰日為臘漢火德火衰於

戊故以戊日為臘魏晉以下以及月小晦後忌之日俗本作外

行遊也

此日猶應感慕異於餘辰不預飲讌聞聲樂及

劉綰緩綰兄弟並為名器其父名昭

沈氏攷證南史劉昭本傳子綰緩附一本以昭為照

者非補綰

一生不為照字惟依爾雅火傍作召耳

梁書文學傳劉昭字宣卿

平原高唐人集後漢同異以注范書為刻令率子綰字宣明通三禮大同中為尚書祠部郎尋去職不復仕弟緩字含度歷官湘東王記室時西府盛集文學緩居其首隨府轉江州李綰本傳不載疑此字衍爾雅釋蟲螢火即炤然凡文與

正諱相犯當自可避其有同音異字不可悉然劉字之下即有

昭音

補案古蕭豪尤侯音皆通

呂尚之兒如不為上

史記齊世家太公趙壹呂尚者東海上人

之子儻不作一

後漢書趙壹傳壹字元叔漢陽西縣人

便是下筆即妨是書皆觸

也

案下當分段

嘗有甲設讌席請乙為賓而旦於公庭見乙之子問之曰尊侯

早晚顧宅乙子稱其父已往

補從他人稱之可云其父親子稱父不容亦著其字至對甲言當云

已赴嘉招亦時以爲笑如此比例觸類慎之不可陷於輕脫

江南風俗兒生一碁爲製新衣盟浴裝飾補爲于僞切男則用

弓矢紙筆女則刀尺鍼縷補刀剪刀鍼古作箴今又作針縷線也力圭切竝加飲食之

物及珍寶服玩置之兒前觀其發意所取以驗貪廉愚智名之

爲試兒補子生周年謂之辟子對切見說文其試兒之物今人謂之辟盤親表聚集致讌享焉

自茲已後二親若在每至此日常有酒食之事耳無教之徒雖

已孤露其日皆爲供頓酣暢聲樂不知有所感傷梁孝元宋本有帝

年少之時每八月六日載誕之辰常設齋講自阮修容薨歿

之後此事亦絕梁書后妃傳高祖阮脩容諱令羸本姓石會稽餘姚人齊始安王遙光納焉遙光敗入東昏宮

建康城平高祖納爲綵女天監六年八月生世祖尋拜爲修容

隨世祖出蕃大同六年六月薨於江州內寢世祖卽位追崇爲

顏氏家訓 卷二 五 澠南嚴氏孝

文宣太后補金樓子稱宣修容會稽上虞人以  
大同九年太歲癸亥六月二日薨與史不同

人有憂疾則呼天地父母自古而然補史記屈原傳夫天者人之本也

人窮則反本故勞苦倦極未嘗不呼補言  
天也疾痛慘怛未嘗不呼父母也

以呼天呼父母為觸忌也蓋嫌而江東士庶痛則稱禰禰是父  
於有怨恨祝詛之意故不可也

之廟號父在無容稱廟父歿何容輒呼蒼頡篇有侑字元注下

聲也補案侑字音見下訓詁云痛而諄也元注諄音羽罪反今

北人痛則呼之漢書藝文志蒼頡一篇秦丞相李斯作揚雄

類音于耒反隋書經籍志聲類十卷魏左校令李今南人痛或

呼之此二音隨其鄉俗竝可行也補案侑字今讀看不與古音

音有聲隨俗  
變無定字也

梁世被繫劾者

補劾胡槩切又胡得切推劾也

子孫弟姪皆詣闕三日露跣陳

謝子孫有官自陳解職子則草屨麤衣

補屨居勺切草屨也麤疏也布帛之等縷小者

則細良縷大者則疏惡

蓬頭垢面周章道路要候執事

補周章章惶也要於宵切亦作邀

叩頭流血申訴冤枉若配徒隸諸子竝立草庵於所署門

補庵舍

切廣韻小

不敢寧宅動經旬日官司驅遣然後始退江南諸憲

司彈人事事雖不重

重校正各本皆誤衍一事字

而以教義見辱者

補兩事字似欲

其或被輕繫而身死獄戶者皆為怨讎

宋本怨作死注一本作怨字案怨字是讀作冤

子孫三世不交通矣到洽為御史中丞初欲彈劉孝綽其兄溉

先與劉善苦諫不得乃詣劉涕泣告別而去

梁書到洽傳洽字茂宏彭城武原人

普通六年遷御史中丞彈糾無所顧望號為勁直當時肅清到溉傳溉字茂灌少孤貧與弟洽俱聰敏有才學劉孝綽傳孝綽

顏氏家訓

卷二

三

義家塾叢書

字孝綽彭城人本名冉小字阿士與到洽友善同遊東宮自以才優於洽每於宴坐嗤鄙其文洽銜之及孝綽為廷尉正攜妾入官府其母猶停私宅洽尋為御史中丞遣令史案其事遂劾奏之云攜少妹於華省棄老母於下宅高祖為隱其惡改妹為姝坐免官

兵凶戰危

補漢書鼂錯傳兵凶器戰危事也

非安全之道古

者天子喪服以臨師將軍鑿凶門而出

淮南子兵略訓主親操斧鉞授將軍將辭而行

乃爪鬚設明衣鑿凶門而出

補老子道經吉事尚左

父祖伯叔

若枉軍陣

補陣乃陳之俗體

貶損自居不立奏樂讌會及婚冠吉慶事

也

補冠古玩切

若居圍城之中憔悴容色除去飾玩

補去羌舉切

常為臨

深履薄之狀焉

父母疾篤醫雖賤雖少

補詩詔切

則涕泣而拜之以求哀也梁孝元

在江州嘗有不豫世子方等親拜中兵參軍李猷焉

元注一本無焉字梁

書世祖二子傳忠壯世子方等字實相世祖長子母曰徐妃

隋書百官志

皇弟皇子府置功曹史錄事記室中兵等參軍

四海之人結爲兄弟亦何容易必有志均義敵令終如始者方

可議之一爾之後命子拜伏呼爲丈人中父友之敬

友宋本作交注一本

作友補古者與其子相友則拜其親謂之拜親之交馬援有疾梁松來候之獨拜牀下援不答孔融先與陳紀友後與其子羣交更爲羣拜紀魯肅拜呂蒙母結身事彼親亦宜加禮比見北

友而別諸史所載如此者非一

身事彼親亦宜加禮比見北

人甚輕此節行路相逢便定昆季望年觀貌不擇是非至有結

父爲兄託子爲弟者

昔者周公一沐三握髮一飯三吐餐以接白屋之士一日所見

七十餘人

見荀子而文小異說苑亦載之補荀子堯問篇說苑尊賢篇及尚書大傳唯載見士其握髮吐哺見史記



魯世晉文公以沐辭豎頭須致有圖反之誚見左僖二門不停

賓古所貴也補晉書王渾傳渾無循羈旅虛懷綏納座無空席門不停賓故江東之士莫不悅附失教之

家闔寺無禮或以主君寢食嗔怒拒客未通江南深以為恥黃

門侍郎裴之禮隋書百官志門下省置侍中給事黃門侍郎各四人號善為士大夫有如

此輩對賓杖之其門生僮僕接於他人折旋俯仰辭色應對莫

不肅敬與主無別也號善為以下宋本作好待賓客或有此輩對賓杖之僮僕引接折旋俯仰莫不肅敬

與主無別注一本作云云

### 慕賢第七

古人云千載一聖猶旦暮也五百年一賢猶比髀也補孟子外書性善篇

千年一聖猶旦暮也鬻子第四聖人在上賢士百里而有一人則猶無有也王道衰微暴亂在上賢士千里而有一人則猶比

肩也補各切言聖賢之難得疏闊如此儼遭不世明達君子

安可不攀附景仰之乎

補法言淵騫篇攀龍鱗附鳳翼後漢書劉愷傳賈逵上書稱愷景仰前修案宋

以來以詩云高山仰止景行行止箋訓景為明不可用作景慕義真西山初慕元德秀而同其名四字景元後悟其非改為希元鶴林玉露辨之纂詳不知景仰之語古矣此亦用之章懷於愷傳百僚景式下注云景猶慕也是唐人猶不若宋人之拘泥也吾生於亂世長於戎馬補長張丈切流離播越補流離見詩邱旄邱播越見左昭二

十六年傳聞見已多所值名賢未嘗不心宋本作神醉魂迷向慕之也人

在少年神情未定所與款狎熏漬陶染言笑舉動宋本作對無心於

學潛移默化自然似之何況操履藝能較明易習者也補易弋豉切也

讀為耶是以與善人居如入芝蘭之室久而自芳也與惡人居如

入鮑魚之肆久而自臭也本家語六本篇墨翟悲於染絲淮南子說林訓墨子見練

絲而泣之為其是之謂矣君子必慎交遊焉孔子曰無友不如

己者顏閔之徒何可世得但優於我便足貴之案下當分段

世人多蔽貴耳賤目補見張衡東京賦重遙輕近少長周旋補少詩照切長張丈

切如有賢哲每相狎侮不加禮敬補禮記曲禮上賢者狎而敬之又曰禮不踰節不侵侮不

好狎鄭注他鄉異縣補見蔡邕詩微藉風聲延頸企踵補見漢書甚為傷敬也

於飢渴校其長短覈其精麤或彼不能如此矣俗本無兩其字宋本有下句作

或能彼不能此矣所以魯人謂孔子為東家丘裴松之注魏志邴原傳引原別

傳曰原遠游學詣安邱孫崧崧辭曰君鄉里鄭君誠學者之師

模也君乃舍之所謂以鄭為東家某者也原曰君謂僕以鄭為

東家某以僕為西家愚夫邪昔虞國宮之奇少長於君君狎之不納其諫以

至亾國見左氏僖五年傳不可不畱心也案下當分段

用其言弃其身古人所恥

左氏定九年傳鄭駟歆殺鄧析而用其竹刑君子謂子然於是乎不忠用

其道不弃其人詩云蔽芾甘棠勿剪勿伐召伯所茇思其人猶愛其樹況用其道而不恤其人乎

凡有一言一

行

補下孟切

取於人者皆顯稱之不可竊人之美以爲己力雖輕雖

賤者必歸功焉竊人之財刑辟之所處

補辟婢亦切

竊人之美鬼神

之所責

案下當分段

梁孝元前在荊州

補梁書元帝紀

普通七年出爲使持節都督荊湘鄖益寧南梁六州諸軍事西中郎將荆

州刺史

有丁覬者洪亭民耳頗善屬文

補屬之欲切

殊工草隸孝元書

記一皆使之

補後漢書百官志

記室令史主上章表報書軍府記重校正宋本作使典之注云一本無典字

軍府

輕賤多未之重恥令子弟以爲楷法

補令力丁切

禮記儒行今世行之後世以爲楷時

云

元注一本無時云字

丁君十紙不敵王褒數字

宋本作王君

一字注一

顏氏家訓

卷二

九

渭南嚴氏孝義家塾義書

衰傳衰字子淵琅邪臨沂人梁國子祭酒蕭子雲衰之姑夫也特善草隸衰以姻戚去來其家遂相模範俄而名亞子雲並見

重於世吾雅愛其手迹常所寶持孝元嘗遣典籤惠編南史恩倖呂文顯傳

故事府州部內論事皆籤前直敘所論之事後云謹籤日送文月下又云某官某籤故府州置典籤以典之惠姓編名

章示蕭祭酒補隋書百官志國祭酒問云君王比賜書翰及寫

詩筆殊為佳手姓名為誰那得都無聲問編以實答子雲歎曰

此人後生無比遂不為世所稱亦是奇事於是聞者少復刮目

裴松之注吳志呂蒙傳引江表傳呂蒙稍仕至尚書儀曹郎隋書

百官志尚書省置儀曹末為晉安王侍讀隨王東下及西臺陷

歿簡牘湮散丁亦尋卒於揚州梁書簡文帝紀天監五年封晉安王前所輕者後

思一紙不可得矣案下當分段

侯景初入建業

南史賊臣傳侯景字萬景魏之懷朔鎮人初事

萬專制河南太清元年二月上表求降武帝封景河南王大將軍使持節都督河南北諸軍事大行臺及與魏通和二年八月

遂發兵反吳志孫權傳十六年徙治秣陵明年城石頭改秣陵爲建業臺門雖閉宋補容齋隨筆晉

近爲臺故稱禁城爲臺城官軍爲臺軍使者爲臺使案此臺門亦謂臺城門也公私草擾各不自全太

子左衛率羊侃坐東掖門部分經略一宿皆辦遂得百餘日

抗拒兇逆羊侃見前梁書本傳中大通六年出爲晉安太守頃

侃區分防擬皆以宗室閒之賊攻東掖門縱火甚盛侃親自距

抗以水沃火火滅賊爲尖頂木驢攻城矢石所不能制侃作雉

尾炬施鐵鐵以油灌之擲驢上焚之俄盡賊又東西兩面起土

山以臨城侃命爲地道潛引其土山不能立賊又作登城樓車

高十餘丈欲臨射城內侃曰車高壅虛彼來必倒及車動果倒

後大雨城內土山崩賊乘之垂入侃乃令多擲火爲火城以斷

其路徐於裏築城賊不能進十於時城內四萬許人王公朝士

二月遭疾率于臺內分扶問切

渭南嚴氏孝

不下一百便是恃侃一人安之其相去如此古人云巢父許由

讓於天下

高士傳巢父者堯時隱人也以樹爲巢而寢其上故時人號曰巢父堯之讓許由也由以告巢父巢父曰

汝何不隱汝形藏汝光若非吾友也又曰許由字武仲陽城槐里人也堯召爲九州長由不欲聞之洗耳於潁水濱巢父曰汚

吾犢口牽犢上流飲之父音甫市道小人爭一錢之利亦已懸矣

齊文宣帝卽位數年便沈湎縱恣略無綱紀尙能委政尙書令

楊遵彥內外清謐朝野晏如各得其所物無異議終天保之朝

北齊書文宣帝紀顯祖文宣皇帝諱洋字子進高祖第二子世宗之母弟受東魏禪卽皇帝位改武定八年爲天保元年六七

年後以功業自矜縱酒肆欲事極猖狂昏耶殘暴近世未有補沈直深切謚彌畢切遵彥後爲孝昭所戮

刑政於是衰矣

孝昭帝紀諱演字延安神武第六子文宣之母弟文宣崩幼主卽位除太傅錄尙書事朝政皆

沒於帝乾明元年從廢帝赴鄴居於領軍府時楊愔等以帝威望既重內懼權逼請以帝爲太師司州牧錄尙書事解京畿大

都督帝時以尊親而見猜斥乃與長廣王謀至省坐定酒數行於坐執愔等斬於御府之內楊愔傳愔字遵彥宏農華陰人小名秦王遵彥死以中書令趙彥深代領機務鴻臚少卿陽休之私謂人曰將涉千里殺驥驥而策蹇驢可悲之甚

斛律

明月齊朝折衝之臣無罪被誅將士解體周人始有吞齊之志關中人至今譽之此人用兵豈止萬夫之望而已也國之存亡

係其生死

斛律金傳金子光字明月周將軍韋孝寬忌光英勇乃作謠言令閒諜漏其文於鄴祖珽穆提婆遂相與

協謀以謠言啓帝遣使賜其駿馬光來謝引入涼風堂劉桃枝自後拉而殺之於是下詔稱光謀反尋發詔盡滅其族周武帝後入鄴追贈上柱國公指詔書曰此人若在朕豈能至鄴補呂氏春秋召類篇孔子曰修之於廟堂之上而折衝乎千里之外者其司城子罕之謂乎  
注衝車所以衝突敵之車有道之國使欲攻己者折還其衝車於千里之外不敢來也將子亮切解體見左氏成八年傳萬夫之望見易繫辭下傳

張延雋之爲晉州行臺左丞匡維主將鎮撫疆場

補音

儲積器

渭南嚴氏孝



用愛活黎民隱若敵國矣

後漢書吳漢傳諸將見戰陳不利或多惶懼漢意氣自若帝時遣人觀大

司馬何爲還言方脩戰攻之具乃歎曰吳公差彊人意隱若一敵國也補漢書游俠傳劇孟以俠顯吳楚反時天下騷動大將

軍得之若一敵國然案張延雋不見於史補注張延雋見北周書孝義傳張元之父元河北芮城人父延雋仕州郡累爲功曹

主簿以純至羣小不得行志同力遷之既代之後公私擾亂周爲鄉里所推

師一舉此鎮先平

北史周本紀武帝建德五年十月帝總戎東伐遣內史王諡攻晉州城是夜虹見於晉州

城上首向南尾入紫宮帝每日赴城督戰齊行臺左丞侯子欽出降王申晉州刺史崔嵩密使送款上開府王軌應之未明登

城遂克晉州甲戌以上開府齊亡之迹宋本作齊國之亡注啓梁士彥爲晉州刺史以鎮之

於是矣

渭南嚴式誨斟鐫

顏氏家訓卷第二

成都龔道耕重斟